

第十冊

冊府元龜

中華書局影印

冊府元龜第十冊目錄

總錄部（一）

卷七五一	總序	八九三五
	孝一	八九三七
卷七五二	孝二	八九四九
卷七五三	孝三	八九六二
卷七五四	孝四	八九七四
卷七五五	孝五	八九八四
卷七五六	孝六	八九九二
卷七五七	孝感	九〇〇一
卷七五八	忠一	九〇一五
卷七五九	忠二	九〇二六
卷七六〇	忠義一	九〇三五
卷七六一	忠義二	九〇四五
卷七六二	忠義三	九〇五三
卷七六三	忠烈	九〇六一
	死節	九〇六八
卷七六四	義烈	九〇七二
卷七六五	攀附一	九〇八四
卷七六六	攀附二	九〇九八
卷七六七	儒學一	九一一二

卷七六八	儒學二	九一二一
卷七六九	自述一	九一三〇
卷七七〇	自述二	九一四四
卷七七一	世官	九一五八
卷七七二	志節	九一七〇
卷七七三	幼敏一	九一八六
卷七七四	幼敏二	九一九四
卷七七五	幼敏三	九二〇五
卷七七六	名望一	九二一五
卷七七七	名望二	九二二七
卷七七八	高尚一	九二三七
卷七七九	高尚二	九二四九
卷七八〇	博識	九二五九
卷七八一	節操	九二七二
卷七八二	榮遇	九二八九
卷七八三	世德	九二九九
	兄弟齊名	九三〇六
卷七八四	壽考	九三一四
卷七八五	守道	九三二四
	知足	九三三一
卷七八六	博學	九三三五
	多能	九三四一

卷七八七	德	九三四七	卷八〇三	義三	九五三五
	德行	九三五二	卷八〇四	義四	九五四九
卷七八八	智	九三五六	卷八〇五	高潔	九五六四
	智識	九三五八		棄官	九五六八
卷七八九	知幾一	九三六九	卷八〇六	賢德	九五七六
卷七九〇	知幾二	九三七八	卷八〇七	知言	九五八八
卷七九一	知賢	九三八六		清廉	九五九六
卷七九二	慕賢	九三九五		辭賞	九六〇〇
	思賢	九四〇二	卷八〇八	遠名勢	九六〇三
卷七九三	長者	九四〇五		避嫌	九六〇六
卷七九四	知禮	九四一五		嫉惡	九六〇七
	家法	九四一九	卷八〇九	隱逸一	九六一四
	矜嚴	九四二三	卷八一〇	隱逸二	九六二九
卷七九五	先見一	九四二七	卷八一一	游學	九六三九
卷七九六	先見二	九四四八		賜書	九六四五
卷七九七	博物	九四六四		聚書	九六四六
卷七九八	勤學	九四七一		晚學	九六四八
卷七九九	強記	九四八七	卷八一二	富	九六五一
	聰悟	九四九三		好施	九六五九
卷八〇〇	敏捷	九四九七	卷八一三	退迹	九六六六
卷八〇一	義一	九五〇七	卷八一四	讓	九六八〇
卷八〇二	義二	九五二二	卷八一五	誠感	九六九二

冊府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣 黃國琦 較釋

總錄部

總序

夫人之生也分五氣之秀肖兩儀之體形貌既辨名字以立發於天資之謂性通於物理之謂識守道而舉之謂德循善而動之謂行向其所愛之謂好學而後能之謂藝繫於窮通之謂天命非絲性情之謂人冊府元龜 總錄部 卷之七百五十一

事反於善道之謂惡舉是九者亦可以周物之變矣若夫挺執志操綽有度量襟抱夷曠才用敏給公方亮直而克固其守高尚潔素而不累於物以至質樸而遲訥聰悟而機警剛勇而多力詞辯而強記疏蹤而率意矜嚴而自法者皆性之品也若夫智慮宏遠謀畫沉遠詳達典憲精別人物研幾微之際而觀其未萌達性命之理而知其定分有犯無隱得盡規之道見賢思齊敦慕善之志通禮制之升降察緒績之臧否知止而不殆聞義而厭服者皆識之品也若夫敦仁孝之本宣忠義之烈豐友悌之愛昭賢懿之名

敦信以待人克讓而後已誠明昭感陰陽敷被儉約

是守長厚成裕揭挹以自牧矜慎而用全或恪居厥

官世濟明德勵清白之節勤幹蠱之業循守常道韜

晦其才或圖報舊恩固辭爵賞解紛紜之患遠勢利

之交不處嫌疑之間安於貧窶之際獨守介節放於

隱居以至改過自新報怨以德輕財好施分災救患

敦托孤之義儉節終之禮者皆德行之品也若夫醴

嗜所愛湛樂于酒崇聚編簡喜接過客奉清淨之化

依圓寂之教醞籍於風度畜養於性情務爲清談競

餌丹石者皆好尚之品也若夫勵志儒素刻意文翰

冊府元龜 總錄部 卷之七百五十一 二

勤勞師問消息庠塾裁著於詞訓敷述於已志揚摧

精允談說明辯博識於異物多能於庶事射御臻詣

筆札極精博奕甚工算數通妙善兵家之技審音樂

之旨習工巧之業明方術之用達醫診之理極圖繪

之事究人倫之法明地域之占者皆藝術之品也若

乃運之否泰數之修短或榮進于世寵貴而隆盛或

廢滯于時憂患而沉棄或攀附而崛起或周游而不

遇或家列鍾鼎或貲無擔石以至流罹于厄難嬰仍

於美疢招累而被譴非辜而罹繫感歎無所憂愧交

懷或遁伏以苟生或困頓而貶辱者皆天命之異也

若乃世襲厥官家著訓法結好姻婭出繼入後民立於祠祀家職於賜書宵寤有徵謠言多驗著休急之令註名諱之文陳出餞之儀附置郵之信或多獲於時望或釣譽於天倫以至內舉其親自薦其器宴賞爲樂贈問有宜論交友生垂戒諸子游謁雅素慰薦所知請老而引年挂冠而退處庸奪情之命馳書飾之譽隱忍於恥嫺披列於冤訴圖復仇怨作爲隱諸知將亡之期遺未亂之命者皆人事之異也若乃資質草陋性識顛蒙輕躁而寡謀吳懦而無勇恢諧而縱辯衛瓘以自矜乏知人之明昧舉士之理封執偏

冊府元龜

總錄部 卷之七百五十一

三

見溺於私愛偷薄而無向徇介而失中吝嗇自資隘急成性述作狂簡學識孤陋以至反忠孝之理乖義睦之訓賦姦險之性極諛邪之體殘忍不道奢縱自安虧失禮章貪洩賄賂奉上無恭肅之節在官極阿附之邪蹈善不終作偽彌拙好忿嗜怒詆訐於衆多忌賢能交構於禍患肆莠言以嗤誚摘缺望以譏刺文飾其短黨比所親厚誣善人巧窺榮宦豐葬送之禮任仇俠之氣以至極沉湎之過恣惟薄之亂妖惑以蠱衆厭勝而微福咎徵既集陰報斯至或亡匿而延喘或敗類而伏辜者皆惡之品也夫以天地和粹

之精凝而爲賢明爲正直其行不同而皆底於善陰陽舛沴之氣聚而爲愚闇爲姦回資性不類而皆底於惡善惡之際事以萬殊加以天命之難謀人事之多故紛綸古昔非可槩舉今但采明著前志可以戒勸者類之千篇其有姦臣僞迹亦附于後凡總錄部二百四十二

孝

夫孝三德之本百行之先也凡爲人子者生盡乎養沒盡乎禮有終身之憂無一日之樂欲報之恩昊天罔極此孝之至也昔仲尼爲曾子述孝經自天子諸

冊府元龜

總錄部 卷之七百五十一

四

侯卿大夫士至於庶人孝之道盡矣後之人有以見先聖之行成賢弟子之美千古而下以爲義訓孝之大者始於事親中於事君終於立身又曰立身行道揚名顯親之謂也是知聖人述作之旨以孝爲德本教之所繇生風化之大也故南陔日華之篇辭亡義存垂乎勸戒今之所述者歷選前代名臣吉士奉親有聞者咸著千篇

穎考叔桓谷封人也鄭武公娶于申曰武姜

生莊公及共叔段

生驚姜氏故名曰寤生遂惡之

叔段欲立之欲立以爲太子亟請於武公公弗許及莊公卽

位爲之請制公曰制嚴邑也虢叔死焉他邑唯命號

之京城太叔公欲姜請使段居京謂之京城太叔既言寵異於衆臣京鄭邑今榮陽京縣

而太叔命西鄙北鄙貳於已鄭鄭邊邑貳兩屬公子呂曰國

不堪貳公將若之何公子呂鄭大夫欲與太叔臣請事之若

弗與則請除之無生民心叔段不除則舉國公曰無叔段不除則舉國公曰無

庸將自及言無用除之禍將自及太叔又收貳以爲已邑貳兩屬

人皆取以至於廩延言韓侯多也廩延鄭邑子封曰

可矣厚將得衆子封公子呂也厚謂土地廣大公曰不義不暱厚將

冊府元龜總錄部卷之七百五十一

崩爲臣不義於君爲弟不親於兄非衆所附雖厚必崩太叔完聚完城郭繕甲聚人民

兵具卒乘步曰卒車曰乘將襲鄭夫人將啟之啟開公聞其

期曰可矣命子封帥車二百乘以伐京古者兵車一乘甲士三人

步卒七京叛太叔段入于鄆公伐諸鄆五月辛丑

太叔出奔共共國今汲郡共縣遂置姜氏于城穎城穎鄭地而誓

之曰不及黃泉無相見也地中之泉故曰黃泉既而悔之穎考

叔聞之有獻於公公賜之食食舍肉公問之對曰小

人有母皆嘗小人之食矣未嘗君之羹請以遺之食

不暇羹欲以發問也宋華元殺羊爲羹士蓋古賜賤官之常公曰爾有母遺繫我

獨無繫語穎考叔曰敢問何謂也據武姜在公語之設疑也

故且告之悔對曰君何患焉若闕地及泉隧而相見

其誰曰不然延道公從之公入而賦大隧之中其

樂也融融賦賦詩也融融和樂也姜出而賦大隧之外其樂也

洩洩洩洩舒也遂爲母子如初君子曰穎考叔純孝也

純猶篤也愛其母施及莊公詩曰孝子不匱永錫爾類其

是之謂乎不匱純孝也莊公雖失之於初孝子不已考叔感而通之所謂永錫爾類詩人之作

各以情言君子論之不以文害意故春秋傳引詩不皆與今說詩者同他皆倣此

申生晉獻公太子也獻公寵驪姬有二子長曰奚齊

次曰卓子驪姬欲立奚齊謂太子申生日君夢齊姜

必速祭之齊姜太子申言求食太子祭于曲沃歸胙于公胙祭之酒

冊府元龜總錄部卷之七百五十一

公田姬寘諸宮六日公至毒而獻之毒酒經宿轉敗而經六日

之惑公祭之地地墳與犬犬斃姬泣曰賊繇太子太

子奔新城新城曲沃公殺其傅杜原款或謂太子日子辭

君必辭焉以六日之狀自理太子曰君非姬氏居不安食不

飽我辭姬必有罪君老矣吾又不樂吾自理則姬死姬死則君必不

樂不樂爲繇吾也日子其行乎太子曰君實不察其罪被此

名也以出人誰納我魯僖公四年十二月戊申縊于

新城姬遂譜二公子曰皆知之重耳奔蒲夷吾奔屈

國語又載晉獻公將出太子申生而立奚齊荀息至

鄭里克乃別烝于武公公稱疾不與使奚齊蒞事猛

足乃言於太子曰伯氏不出奚齊在廟子盍圖乎太

子曰吾聞羊舌大夫曰事君以敬事父以孝受命不

遷為敬順所安為孝棄命不敬作令不孝又何圖焉且夫聞父之愛而嘉其明有不忠焉廢人以自成有不貞孝敬忠貞君父之所安也棄安而圖遠於孝矣吾其止也申生祭其母齊姜於曲沃焉昨於獻公驪姬使人置毒藥胙中獻公誅其傅杜原款或謂太子曰為藥者乃驪姬也太子何不自辭明之太子曰吾君老矣非驪姬寢不安食不甘即辭之君且怨之不可或謂太子曰可奔他國太子曰被此惡名以出人誰納我我自殺耳二月戊申申生自殺於新城又云獻公將殺申生人謂申生曰非子之罪何不去乎申生曰不可去而罪釋彰父之惡而笑諸侯吾誰鄉而人是重困也吾聞之仁不惡君智不重困勇不逃死吾伏以俟命申生將死使猛足言孤矣曰申生有罪不聽伯氏以至於死申生不敢愛其死雖然吾君老矣國家多難伯氏不出奈吾君何伯氏苟出而圖吾君申生受賜以至於死驪姬何悔是以謹為其君穀梁又載晉獻公伐魏得驪姬獻公私之存二子長日奚齊稚日卓子驪姬為亂故謂君曰吾夜者夢夫人趨而來曰吾苦畏胡不使夫人將衛士而衛家乎公曰孰可使曰臣尊于世子則世子可故若謂

冊府元龜

孝一

七

世子曰驪姬夢夫人趨而來曰吾苦畏女子其將衛士而往衛家乎世子曰敬語葉官成驪姬又曰吾夜者夢夫人趨而來曰吾苦畏世子之宮已成則何為不使詞也故獻公謂世子曰其祠世子祠已致福於若君田而不在驪姬以配為酒藥膳以毒食公田來驪姬曰世子已祠故致福于自君將食驪姬跪曰食自外來不可不試也覆酒于地而地墳以脯與犬而犬死驪姬下堂啼呼曰天乎天乎國子之國也子何遲於為君君謂然嘆曰吾與女未有過也是何與我之深也使人謂世子曰爾其圖之世子之傅里克謂世子曰入自明入自明則可以生不入自明則不可以生世子曰吾君已老矣已昏矣吾若此而入自明則驪姬必死驪姬死則吾君不安所以使吾君不安者吾不若自死吾寧自殺以安吾君以重耳為寄矣科脛而死

秦康公之母晉獻公之女文公遭驪姬之難未反而秦姬卒穆公納文公康公時為太子贈送文公于渭

之陽念母之不見也我見舅氏如母存焉及其即位思而作渭陽之詩焉

晏嬰齊大夫父桓子以魯襄公十七年冬卒晏嬰處

衰斬斬不緝也衰在苴經帶杖管履取其麻之有子者杖管履管履食粥居倚廬寢苦枕草此禮與士喪禮畧同

草履草亦非喪其老曰非大夫之禮也時之所行士及大夫

服正文晏子為大夫而行士禮曰唯卿為大夫晏子惡直已

其家臣不解故譏之以斥時禮故

遷辭以答家老矣

子野魯襄公妾敬歸之子也二十一年六月公薨於

楚宮立子野九月癸巳卒毀也過哀毀瘠以致滅性

冊府元龜

孝一

卷之七百五十一

八

孔子在衛有送葬者而夫子觀之曰善哉為喪乎足

以為法矣小子識之子貢曰夫子何善爾也曰其往

也如慕其反也如疑慕謂小兒隨父啼呼疑者子貢

曰豈若速反而虞乎速疾子曰小子識之我未之能

也哀戚本也

旱魚哭聲甚悲孔子聞之曰驅驅前有賢者至則魚

也披褐擁鎌哭於道傍孔子避車與之言曰子非有

喪何哭之悲也魚曰吾失之三矣少而學游諸侯以

後吾親失之一也高尚吾志問吾事君吾失之二也

與友厚而小絕之失之三矣樹欲靜而風不止子欲

養而親不待也往而不可得見者親也吾請從此辭
矣立槁而死孔子曰弟子誠之足以識矣於是門人
辭歸而養親者十有三人

伯魚之母死期而猶哭伯魚孔子子也名鯉猶尚也夫子聞之曰

誰與哭者門人曰鯉也夫子曰嘻其甚也暗悲恨之言伯

魚聞遂除之

孟莊子魯大夫曾子曰吾聞諸夫子孟莊子之孝也

其他可能也其不改父之臣與父之政是難能也孟莊子仲孫也謂在諒陰之中父臣及父政雖有不善者不忍改也

高子皐孔子弟子名柴子皐之執親之喪也泣血三

冊府元龜總錄部卷之七百五十一

年言泣無聲未嘗見齒君子以為難言人不

少連太連東夷之子也善居喪三日不怠三月不懈

期悲哀三年憂

顏丁魯人善居喪始死皇皇焉如有求而弗得及殯

望望焉如有從而弗及既葬慨然如不及其反而息

曾參字子輿魯南武城人孔子以為能通孝道故授

之業作孝經參嘗曰往而不可還者親也至而不可

加者年也是故孝子欲養而親不待也木欲直而時

下使也是故椎牛而祭墓不如鷄豚逮存親也故吾

嘗仕齊為吏祿不過鍾釜尚猶欣欣而喜者非所以

參也樂其建親也既沒之後吾嘗南遊於楚得尊官
焉堂高九仞椽題三圍轉轂百乘猶北鄉而泣涕者

非為賤也悲不逮吾親也故家貧親老不擇官而仕

若夫信其志約其親者非孝也又載曾子仕於莒得粟三秉方是之時曾

子重祿而輕其身親沒之後齊迎以相楚迎以令尹晉迎以上卿方是之時曾子重其身而輕其祿

子執親之喪水漿不入於口者七日其父皙嗜羊棗

而參不忍食羊棗公孫丑問孟子曰膾炙與羊棗孰

美羊棗棗名也曾子以父嗜羊棗父亡之後惟念其親不復食羊棗故身不忍食也公孫丑怪之故問

羊棗孰與孟子曰膾炙哉言膾炙固美也公孫丑曰

然則曾子食膾炙而不食羊棗曰膾炙所同也羊棗

冊府元龜總錄部卷之七百五十一

所獨也諱名不諱姓姓所同也名所獨也曾子有疾

召門弟子曰啟予足啟予手啟開也曾子以為受身

使弟子開詩云戰戰兢兢如臨深淵如履薄冰言此

食而視之喻已常戒慎而今而後吾知免夫小子乃今日後我

難矣小子弟子也呼之者欲使聽而識之

閔損字子騫孔子弟子曰少孔子十五歲孔子曰孝

哉閔子騫人不間於父母昆弟之言言子騫上事父母下順兄弟勤

靜盡善故人不得有非間之言

樂正子春曾子弟子以孝名聞下堂而傷其足數月

不出猶有憂色門弟子曰夫子之足瘳矣數月不出

猶有憂色何也樂正子春日善哉爾之間也吾聞諸

曾子聞諸孔子曰天之所生地之所養唯人爲大父

母全而生之子全而歸之可謂孝矣不虧其體不辱

其親可謂全矣故君子頃步而弗敢怠孝也今予忘

孝之道予是以有憂色也頃當爲雖一舉足而不敢

忘父母一出言而不敢忘父母是故道而不徑舟而

不遊不敢以先父母之遺體行乎殆一出言而不敢

忘父母是故惡言不出於口忿言不及於身不辱其

身不羞其親可謂孝矣徑步邪趨疾也忿言不及於

當錄其直直則不服其視疾也復加一飯則脫然愈

冊府元龜總錄部卷之七百五十一

復損一飯則脫然愈復加一衣則脫然愈復損一衣

則脫然愈脫然疾除貌也其母死五日而不食日吾

悔勉強過自吾母而不得吾情吾惡乎用吾情惡猶

漢石建萬石君奮之子建爲郎中令白首萬石君尚

無恙每五日歸謁親郎官五入于舍竊問侍者取親

中帶廁輸身自澣親謂父也中帶若今言中衣也

也世謂小補衫爲麗復與使者不敢令萬石君知之

以爲嘗萬石君卒建哭泣哀思杖廼能行歲餘建亦

死諸子孫咸孝然建最甚

馮塘以孝著爲郎中署長以孝得爲郎中而馮郎

公孫弘養後母孝謹後母卒服喪三年位至丞相

霍去病父中孺河東平陽人中讀以縣吏給事平陽

侯家縣吏給事也與侍者衛少兒私通而生去病中

孺吏畢歸家娶婦生光因絕不相聞久之少兒女弟

子夫得幸於武帝立爲皇后去病以皇后姊子貴幸

既壯大適自知父爲霍中孺未及求問會爲驃騎將

軍擊匈奴道出河東太守郊迎負弩矢先驅郊迎近

之上也先驅至平陽傳舍遣吏迎霍中孺趨入拜謁

將軍迎拜因跪曰去病不早自知爲大人遺體也中

孺扶服叩頭服音蒲曰老臣得託命將軍此天力也

冊府元龜總錄部卷之七百五十一

去病大爲中孺買田宅奴婢而去還復過焉

金日磾本匈奴休屠王太子與弟倫俱沒官母教誨

兩子甚有法度武帝聞而嘉之病死詔圖畫於甘泉

官署曰休屠王閼氏日磾每見畫輒拜鄉之涕泣然

後廼去位至侍中駙馬都尉

杜延年父周爲御史大夫延年後爲御史大夫居父

官府不敢當舊位坐皆易其處

韋玄成父賢其先魯人以昭帝時徙平陵玄成別徙

杜陵病且死因使自白曰不勝父子恩願乞骸骨歸

葬父墓上許焉而韋賢次子舜留魯守墳墓位丞相

翟方進爲丞相身既富貴而後母尚在方進內修行飾供養甚焉

原涉父爲南陽太守卒時少行三年喪者涉讓還南陽賻送行喪家廬三年繇是顯名京師涉位至天水太守

後漢梁統更始二年召補中郎將使安集涼州拜酒泉太守會更始敗赤眉入長安統與竇融及諸郡守起兵保境謀共立帥初以位次咸共推統統固辭曰昔陳嬰不受主者以有老母也今統內有尊親又德薄能寡誠不足以當之遂共推融爲河西大將軍

冊府元龜

總錄部

卷之七百五十一

十三

鄧禹內文明篤行淳備事母至孝位至太傅

樊條宏子也謹約有父風事後母至孝及母卒哀思過禮毀病不自支光武嘗遣中黃門朝暮送餽粥位至光祿大夫

銚期父猛爲桂陽太守卒期服喪三年鄉里稱之位至衛尉

祭遵喪母負土起墳位至征虜將軍

祭彤早孤至孝見稱遇天下亂野無烟火而獨在家側每賊過見其尚幼而有志節皆奇而哀之位至太僕

魯恭父建初爲武陵太守卒恭年十二弟丕七歲晝夜號踊不絕聲郡中賻贈無所受乃歸服喪禮過成人鄉里奇之恭位至司徒

孔奮事母孝謹雖爲儉約奉養極求珍膳躬率妻子同其菜茹位至武都太守

戴良字叔鸞汝南慎陽人少誕節母喜驢鳴良嘗學之以娛樂焉及母卒兄伯鸞居廬啜粥非禮不行良獨食肉飲酒哀至乃哭而二人俱有毀容或問良曰子之居喪禮乎良曰然禮所以制情佚也情苟不佚何禮之論夫食旨不甘故致毀容之實若味不存口

冊府元龜

總錄部

卷之七百五十一

十四

食之可也論者不能奪之

廉范祖丹爲王莽大司馬庸部牧父遭喪亂客死於蜀漢范遂流寓西州西州平歸鄉里年十五辭母西迎父喪蜀郡太守張穆丹之故吏乃重資送范范無所受與客步負喪歸葭萌載船觸石破沒范抱持棺柩遂俱沉溺衆傷其義釣求得之療救僅免於死穆聞復馳遣使持前資物追范范又固辭位至蜀郡太守

劉平本名曠更始時天下亂平弟仲爲賊所殺其後賊復忽然而至平扶持其母奔走逃難與母俱匿野

澤中平朝出求食逢餓賊將烹平叩頭曰今日爲老母求菜老母待曠爲命願得先歸食母畢還就死因涕泣賊哀而還之位至宗正

陸續會稽人爲州別駕從事刺史尹興坐楚王英事徵詣廷尉續考掠備至終無異辭續母遠至京師謁候消息獄事特急無緣與續相聞母但作饋食付門卒以進之續雖見考苦毒而辭色慷慨未嘗易容唯對食悲泣不能自勝使者怪而問其故續曰母來不得相見故泣耳使者大怒以爲獄門吏卒通傳意氣各將案之續曰因食饋羨識母所自調和故知來耳冊府元龜總錄部卷之七百五十一十五非人告也使問何以知母所作乎續曰母嘗截肉未嘗不方斷葱以寸爲度是以知之使者問諸謁舍續母果來於是陰嘉之上書說續行狀帝卽赦興等事

鄧彪明帝時爲太僕數年喪後母辭疾乞身詔以光祿大夫行服

班超字仲升固之弟爲官寫書受直以養老母明帝問固知除超爲蘭臺令史

王琳字巨尉年十餘歲喪父母因遭大亂百姓奔逃惟琳兄弟獨守家廬號泣不絕

桓典喪母事叔母如事親位至光祿勳

趙孝爲衛尉以孝行聞弟禮爲御史中丞禮亦恭讓行已類於孝

江革齊國臨淄人失父獨與母居遭天下亂盜賊竝起革負母逃難備經險阻嘗採拾以爲養數遇賊或却欲將去革輒涕泣求哀言有老母辭氣愿款愿謹也款有足感動人者賊以是不忍犯之或乃指避兵之方遂得俱全於難革轉客下邳窮貧裸跣行備以供母便身之物莫不畢給建武末年與母歸鄉里每至歲時縣當案北案驗以北之革以母不欲遙動自在冊府元龜總錄部卷之七百五十一十六

韓中輓車不用牛馬繇是鄉里稱之曰江巨孝太守嘗傳禮召革以母老不應及母終至性殆滅伏家廬服竟不忍除郡守遣丞掾釋服因請以爲吏位至諫議大夫

彭修會稽毗陵人年十五父爲郡吏得休與修俱歸道爲盜所劫修因迫乃拔佩刀前持盜帥曰父辱子死卿不顧死邪盜相謂曰此童子義士也不宜逼之遂辭謝而去鄉黨稱其各位至吳令

馮豹衍子也後母惡之嘗因豹夜寐欲行毒害豹逃走得免敬事愈謹而母疾之益深時人稱其孝位至

尚書

竇章以三輔遭羗寇避難東國家於外黃

外黃縣屬陳留故城

在今汴州雍丘縣東

居貧蓬戶蔬食躬勤孝養位至大鴻臚

朱穆年五歲便有孝稱父母有病輒不飲食差乃復

常位至尚書

樂恢父親為縣吏得罪於令收將殺之恢年十一常

俯伏寺門晝夜號泣令聞而矜之即解出親位至騎

都尉

汝郁性仁孝年五歲母病不能食郁常抱持啼泣亦

不食母憐之強為飯守親共異之因字曰叔異及親

冊府元龜

總錄部

卷之七百五十一

十七

殷遂隱處山澤

黃香年九歲失母思慕憔悴殆不免喪鄉人稱其至

孝年十二太守劉護聞而召之署門下孝子甚見愛

敬香家貧內無僕妾躬執苦勤盡心奉養位至魏郡

太守

毛義字少節廬江人家貧以孝行稱南陽人張奉慕

其名往候之坐定而府檄適至以義守令義捧而入

喜動顏色奉心賤之自恨來固辭而去及義母死去

官行服數辟公府為縣令進退必以禮後舉賢良公

車徵遂不至張奉嘆曰賢者因不可測往日之喜乃

為親屈也斯蓋所謂家貧親老不擇官而仕者也

周磐汝南安城人居貧養母儉薄不充嘗誦詩至汝

墳之卒章慨然而歎

韓詩曰汝墳解家也其卒章曰

父母

乃解韋帶就孝廉之舉頻除任城陽夏重合三

縣令思母棄官還鄉里及父母歿哀至幾於毀滅服

終遂廬于家側教授門徒常于人公府三辟皆不就

以有道特徵磐語友人曰昔方回友父膏神養和不

以榮利滑其生術吾親以歿矣從物何為遂不應

友父茹堯時隱人

霍諝遷金城太守遭母憂自上歸行喪服

冊府元龜

總錄部

卷之七百五十一

十八

鮑永事後母至孝妻嘗於母前叱狗永即去之位至

光州牧

趙咨以燉煌太守病免還躬率子孫耕農為養盜嘗

夜往劫之咨恐母驚懼乃先至門迎盜因請為設食

謝曰老母年八十疾病須養居貧朝夕無儲乞少置

衣糧妻子物餘一無所請盜皆慙嘆跪而辭曰所犯

無狀干暴賢者言畢奔出咨追以物與之不及錄此

益知名

韋彪孝行純至父母卒哀毀三年不出廬寢服竟

瘠骨立醫療數年乃起位至大鴻臚

鄧騰母新野君寢疾騰兄弟竝上書求還侍養太后以聞最少孝行尤著特聽之聞封西華侯騰之弟也賜安車駟馬及新野君薨騰等復乞身行服章連上太后許之騰等既還鄉第竝居家旁間至孝骨立有聞當時位至特進

桓麟為許令病免會母終麟不勝喪未祥而卒

薛包汝南人好學篤行喪母以至孝聞及父娶後妻而憎包分出之包日夜號泣不能去至被歐杖不得已廬於舍外旦入而灑掃父怒又逐之乃廬於里門昏晨不廢積歲餘父母慙而還之後行六年服喪過

冊府元龜

總錄部

孝一

卷之七百五十一

乎哀微拜侍中不起

申屠蟠陳留外黃人九歲喪父哀毀過禮服除不進酒肉十餘年每忌日輒三日不食徵博士不至

姜肱字伯淮家世名族肱與二弟仲海季江俱以孝行著聞其友愛天至嘗共卧起及各娶妻兄弟相戀不能別寢以係嗣當立乃廼遷往就室徵大中大夫不拜

李曇字雲少孤繼母嚴酷曇性純孝定省恪勤妻子恭奉寒苦執勞不以為怨得四時珍玩先以進母為鄉里所稱法養親行道終身不仕

袁閎字夏甫父賀為彭城相閎往省謁變名性徒行無旅既至府門連日吏不為通會阿母出見閎驚入白夫人乃密呼見既而辭去賀遣車送之閎稱眩疾不肯乘反郡界無知者及賀卒郡閎兄弟迎喪不受賻贈衰經扶柩冒犯寒露體貌枯毀手足血流見者莫不傷之

陳紀以至德稱兄弟孝養閨門雍和後進之士皆推慕其風遭父母憂每哀至輒歐血絕氣雖衰服已除而積毀消瘠殆將滅性豫州刺史嘉其至行表尚書圖像百城以厲風俗位至大鴻臚

冊府元龜

總錄部

孝一

卷之七百五十一

楊震少孤貧獨與母居假地種植以給供養諸生嘗有助種藍者震輒拔更種以距其後鄉里稱孝位至太尉

孫期濟陰成武人家貧事母至孝牧豕于大澤中以奉養焉司徒黃琬辟不行

謝該仕為公車司馬令以父母老託疾去官

崔寔父卒隱居墓側服竟三公竝辟皆不就拜遼東太守行道母劉氏病卒上疏求歸葬行喪位至尚書虞詡陳國武平人也早孤孝養祖母縣舉順孫國相奇之欲以為吏詡曰祖母九十非詡不養相乃止位

至尚書令

張武吳郡繇拳人父業郡門下掾送太守妻子還鄉里至河內亭盜夜劫之業與賊戰死遂亡失屍骸武時年幼不及識父後之大學受業每節常持父遺劬至亡處祭醢泣而還太守第伍倫嘉其行舉孝廉遭母喪過毀傷父魂靈不返因哀慟絕命

李充遭母喪行服墓次人有盜其樹者充手自殺之營居先人冢側未嘗入城市位至左中郎將

廖扶父爲北海太守坐羗沒郡下獄死扶感父以法害身憚爲吏及服終而嘆曰老子有言各與身孰親

冊府元龜

總錄部

卷之七百五十一

二十一

吾豈爲名乎遂絕去世外專精經典

李應轉蜀郡太守以母老乞不之官

劉茂少孤獨與母居家貧以筋力致養孝行著於鄉里位至侍中

孔融年甫十三甚母哀悼過毀扶而後起州里歸其

孝位至大中大夫

郭林宗有至孝遭母憂嘔血發病歷年乃瘳徵有道不就

种劭爲益梁二州刺史會父拂與李推等戰死竟不之職服終徵爲少府大鴻臚皆辭不受曰昔我先父

以身殉國吾爲臣子不能除殘復怨何面目朝觀明主哉遂與馬騰韓遂及左中郎劉範諫議大夫馬宇共攻李傕郭汜以執其仇與汜戰于長平觀下車敗劭等皆死騰遂還涼州

胡廣爲太傅錄尚書時年已八十心力克壯繼母在堂朝夕瞻省傍無几杖言不稱老及母卒居喪盡哀率禮無愆

鮑昂有孝義節行初父得病數年昂俯伏左右衣不緩帶及處喪毀瘠三年抱負乃行服闋遂潛于墓次不關時務舉孝廉辟公府連徵不至卒

冊府元龜

總錄部

卷之七百五十一

二十二

皇甫堅壽者嵩之子也董卓與嵩有隙有司承旨奏嵩下吏將遂誅之堅壽與卓素善自長安走雒陽歸投於卓卓乃置酒歡會堅壽直前質讓責以大義叩頭流涕坐者感動皆離席請之卓乃起牽與共坐使兒嵩四復拜嵩議郎

蔡邕性篤孝母嘗帶病三年邕自非寒暑節變未嘗解襟帶不寢寐者七旬母卒廬於冢側動靜以禮有兎馴擾其室傍又木生連理遠近奇之多往觀焉位至左中郎將

朱雋少孤母嘗販繒爲業雋以孝養位至大司農

袁紹生而父死弱冠除濮陽長有清名遭母喪服竟又追行父服凡在家廬六年後爲冀州牧

田豐少喪親居喪盡哀日月雖過笑不至哂後爲袁紹別駕

徐庶字元直荆州劉琰聞曹公來征遣使請降劉備在樊聞之率其衆南行庶與諸葛亮並從爲曹公所追破獲庶母庶辭備而指其心曰本欲與將軍共圖王霸之業者以此方寸之地也今已失老母方寸亂矣無益於事請從此別遂詣曹公位至左右中郎將御史中丞

冊府元龜

總錄部

卷之七百五十一

二十三

魏劉正舒字武子也仲武先娶母丘氏生子正舒正則二人母丘儉反敗仲武出其妻娶王氏生陶仲武爲母丘氏立別舍而不告絕及母丘氏卒正舒求附葬焉而陶不許正舒不釋服訟于上下泣血露骨袁家綴絡數十年弗得從以至死亡

鮑出字文才少游俠興平中三輔亂出與老母兄弟五人居本縣以飢餓留其母守舍相將行採蓬實合得數升使其二兄初雅及其弟成持歸爲母作食獨與小弟在後採蓬初等到家而噉人賊數十人已略其母以繩貫其手掌驅去初等怖恐不敢逐之須

吏出從後至知母爲賊所略欲追賊兄弟皆云賊衆當如何出怒曰有母而使賊貫其手將去煮噉之用活何爲乃攘臂結袵獨追之行數里及賊賊望見出乃共布列待之出到回後一頭斫賊殺四五人賊走復相合聚圍出出跳越圍斫之又殺十餘人時賊分布驅出母前去賊連擊出不勝乃走與前輩合出復追擊之還見其母與比舍姬同貫相連出遂復奮擊賊賊問出曰卿欲何得出青數賊指其母以示之賊乃解還出母比舍姬獨不解遙望出求哀出復斫賊賊謂出曰已還卿母何爲不止出又指求哀姬此我

冊府元龜

總錄部

卷之七百五十一

二十四

妓也賊復解還之出得母還遂相扶將客南陽建安五年關中始開出來北歸而其母不能步行兄弟欲共輿之出以輿車歷山險危不如負之安穩乃以籠盛其母獨自負之到鄉里鄉里士大夫嘉其孝烈欲薦州郡郡辟召出出曰田民不堪冠帶至青龍中母年百餘歲乃終出時年七十餘行喪如禮

黃郎父爲本縣卒及爲君長自以父故嘗忌不呼鈴下伍伯而呼其姓字至於忿怒亦終不言

高柔父靖爲蜀郡都尉時天下大亂柔從兄幹袁紹甥也在河北呼柔柔舉宗從之會靖卒於西州特道

路艱澁兵寇縱橫而柔冒詣蜀迎喪辛苦荼毒無所
不嘗三年乃還位至大尉

杜畿字伯侯少孤繼母苦之以孝聞在荊州數歲繼
母亡後以三輔開通貢其母喪北歸位至尚書僕射
司馬芝字子華河內溫人少爲書生避亂荊州於魯
陽山遇賊同行者皆棄老弱走芝獨坐守老母賊至
以刃臨芝芝叩頭曰母老唯在諸君賊曰此孝子也
殺之不易遂得免害以鹿車推載母居南方十餘年
躬耕守節位至大司農

曹休祖父嘗爲吳郡太守休於太守舍見壁上祖父
冊府元龜總錄部 卷之七百五十一 二十五

畫像下榻拜涕泣同坐者皆嘉歎焉位至大司馬揚
州牧

王脩字叔治年七歲喪母母以社日亡來歲鄰里社
脩感念母哀甚鄰里聞之爲之罷社位至奉常

王烈遭父喪泣淚三年太原人後避地終遼東王相
任嘏年八歲喪母號泣不絕聲自然之哀同於成人
故幼以至孝見稱

王基字伯輿少孤與叔父翁居翁撫養甚篤基亦以
孝稱

高貴卿公時爲鎮南將軍都督豫州諸軍事進封安

樂侯上疏來分戶二伯賜叔父子喬爵關內侯以報
叔父撫育之德有詔特聽

趙昱年十三母嘗病經三月昱慘戚消瘠至目不交
睫握粟出卜祈禱泣血鄉里稱其孝

吳顧曄父向歷四縣令年老致仕曄每得父書常灑
掃整衣服更設几筵舒書其上拜跪讀之每句應諾
畢復再拜若父有疾耗之間至則臨書垂涕聲語哽
咽父以壽終曄飲漿不入口五日大帝爲作布衣一
襲皆麻絮著之強令曄釋服曄雖以公義自割猶以
不見父喪嘗畫壁作棺槨象設神座於下每對之哭

冊府元龜總錄部 卷之七百五十一 二十六

泣服未闋而卒

賈統母改適爲華歆小妻統時八歲遂與親客歸會
稽其母送之拜辭上車面而不顧其母涕泣於後御
者曰夫人猶在也統曰不欲增母思故不顧耳事適
母甚謹位至濡須督

劉繇字正禮年十九從父遷爲賊所劫質繇篡取以
歸繇是顯名

劉基繇長子也年十四居繇喪盡禮漢末爲振武將
軍楊州牧

孟宗爲吳令時皆不得將家之官每得時物來以寄